



## Terenga 5: Hōtaka 17 – Te pū ‘kei’ hei whakaohiti

### He Mihi

Me whakamānawa rā tātou ka tika i te mea e wātea ana tātou ki te whai i te reo Māori i ngā whare mātauranga huhua o te motu, i te hāneaneatanga noa iho rānei o ō tātou kāinga. Ko te reo rāhiri tēnei o Ako e toro atu nei ki a koutou ahakoa kei whea rā koutou i tēnei wā. Nau mai, haere mai, rarau mai.

### Hei Mahi Whakarongo

Kei a Kaa Williams ētehi anō whakamārama e pā ana ki tētehi whakataukī hei whakarongo mā tātou.

### Anei ngā pātai hei whakautu mā koutou:

- 1) He aha te āhua o te aka tāepa?
- 2) He aha i piua ai a Kārihi ki te rangi?
- 3) He aha te kuia i tohutohu ai kia moea te pō?

Kia whakarongo ake tātou ki āna kupu whakatenatena.

### He Whakamārama

E rua ngā whakamahinga o te pū ‘kei’ ka tirohia e tātou. Ko te tikanga tuatahi, hei whakaohiti, hei whakatūpato i te tangata:

- 1) Kei tōmuri koe, me oho moata.
- 2) Kaua e pēnā, kei taka koe!
- 3) Kāore au i te hoatu i tēnei taonga ki a koe, kei kore e tika tō tiaki.

Ko te tikanga tuarua, he rite ki te ‘kaua e’:

- a) Kei kōrero Pākehā tātou ki ngā kōhungahunga e haere ana ki Te Kōhanga Reo.
- b) Kei wareware i a koe tō koti.

### He Mahi Ī-papa

Whakakāhoretia ngā rerenga kei runga i ā koutou ĩpapa:

Kei puta wawe te kōrero...

### Hei Mahi

Whakamāoritia ēnei rerenga kōrero. Whakaurua te kupu ‘kei’ ki ia rerenga.

1. In case I don't see you later, let's say our goodbyes now.
2. Don't cry over spilt milk.
3. Take my umbrella, it might rain.
4. Set your alarm or you might sleep in.
5. Don't assume it's okay to arrive late.

### Whakautu:

Mahi ĩ-papa: Kei kore e puta wawe te kōrero, me takatū tātou.

1. Kei kore tāua e kite anō i a tāua, me poroporoaki ināianei.
2. Kei tangi mō te take hauwarea noa iho.
3. Haria tōku hamarara, kei heke te ua.
4. Whakaritea tō whakaaraara, kei moeroa koe.
5. Kei pōhēhē he pai noa iho te tae tōmuri atu.